

# Saaluallaat pillugit paasissutissat



*Saaluallaat ima inerikkiartarput*



## **Saaluallaqalersimaneranik pasitsaassaqarpit?**

Ataani saaluallaat pillugit paasissutissat qanorlu nungutinniarneqarsinnaanersut takukkit.

Saaluallaat tuniluuttuummata, pingaaruteqarpoq sukkanerpaamik nungutinniarnissaat. Saaluallaat aammik milluaasartuupput. Inuit aattorfigerusunnerpaajusarpai kisianni aamma uumasoqatitik aattorfigisinnalluarpaat. Saaluallak kajortoq qaamasumiit aappaluttoq taartumut qalipaateqartarput. Arfinilinnik nioqarput 5-7 mm-isullu angitigilertarlutik.

Mannii tukeraangamik piaraat inersimasutorpiaq isikkoqartarput, mikineruinnarlutik – aallaqqaammut 1 mm-riinnarmik takitigisaramik takuneqarpiarsinnaanngiusattarput. Aamma taakku aallaqqaammulli aammik uumassuteqartarput alliartornermi alloriarnerit tallimaasut aqquaarnerini. Qaammatip ataatsip marlul- lunniit ingerlanerini inerivittarput, kialaartumiissimagunik alliartornerminnilu alloriarnerit tallimaasut aqquaarnerini naammattumik aammik milluagassaqarsimagunik.

Saaluallaat ineriartorluarnissaannut kiak pingaarnersaavoq.

- 13° ataallugulu nillertigisumiikkunik ineriartorsinnaassanngillat.
- 13° -miit ingammik 30°-tut kissalaartigisumiissimagunik, sukkasuumik ineriartortarput.
- Kisianni 30° qaangeraangagu ineriartornerat unikaallaqqittarpoq.
- 45°-tut kiatsigisumiikkunik erngiinnaq toqussapput.

Saaluallaat inersimasut aammik milluaanngikkaluarlutik sivisoorsuarmik uumasinnaasarput.

- 13° kiassusilimiillutik ukioq ilivitsoq angullugu.
- Inimi nalinginnaasumik kiatsigisumiillutik qaammatit marluk angullugit uumasinnaasarput.

Saaluallaat toqqorsimaffiata kiassusaa pineqarpoq. Imaappoq inissiami kiallunilu panertumilu inip ilaaniittoqarsinnaalluarpoq nillerlunilu isugutasumik.

Saaluallaat makkunaaniikkajuttuupput:

- Sinifinni madrassinilu - taakkulu qanittuini.
- Skaavit assilissallu tunuini.
- Panelit, listit tunuini imaluunniit aalitsat aseqquini.
- Ruujorit kabelillu aqqutaanni.
- Toqqortarfiiini ilaanneeriarlutik anarfigisimasaannik nassaartarsinnaavutit, amiinik manniisalu sinnerinik, naak qimareersimagaluaraat. Nalinginnaangajassinnaavorluunniit oqorutit aattaqalaalersimasut kiiitissimasimaguit.

## **Saaluallaqarneranik suut ertiutaappat?**

Sininnerni saaluallaat siniffimmut qaqisarput timivillu nisanertai saassullugit, soorlu assatit,

talitit, qungatsit isikkatillu. Inuit 10 %-iisa malugisaqarfingineq-ajorpaat 90 %-iili ungillertoorujussuarlutilu, aappillertoortarput kiitiffimmillu nalaasigut tinusoortarlutik.

### **Saaluallaat qanoq nungusarneqassappat?**

Innersuutigaarput ilisimannittumit suliaritinneqassasoq.

Piaartumik sukumiisumillu iliuuseqartoqarnissaa pingaaruteqarpoq. Saaluallaqalersimanermi atisat tamaasa sabinngisamik kissarnerpaamik – minnerpaamik 60 gradimut errorneqassapput. Aamma saaluallaat toqorartinniarlugit atisat sivisuumik silamiisinneqarsinnaapput imal. qeritinneqarlutik. Saaluallaat ullualunni -20°C-miitinneqarsimatillutik toqusarput, nillerpianngippalli imal. saaluallaqalersimasut tattoqippallaarlutilluunniit angippata toquinarerat ullunik 3-4-nik sivisussuseqarsinnaavoq. Taamaaliorniaraanni eqqaamasassaavoq silamiitsinniakkap qeritinniakkalluunniit sunartaa tamaat nillertittariaqarmat.

Pingaarutilik unaavoq, nillernerata tamanut anngussinnaanissa.

Taamaasioqattaartoqassaaq qaammatit tamaasa marluk-pingasoriarluniluunniit, saaluallaat pinngitsoortinniarlugu. Saaluallaat akiuiniutinut akiuussinnaasummata, pitsaanerussaaq akiuussutissat assiginngitsut akiuiniarnermi nikerartinnissaat.

Saaluallaqarfit akornaniittullu sulliniaalluni atugassianik seqqalittarneqarlutilluunniit nakkalataartitsivigineqassapput.

### **Saaluallaat nungutinnialinnginneranni ima iliussaatit**

Saaluallannik nungutsiniaasussat suliaminnik aallartinnnginnerini torersaalluarlutilu støvsugissaatit. Støvsugerit atorluassavat, eqqaamalluguli støvsugerip puussiartaata plastikkimut ikinissaa qilerluariarlugulu iginnissaa.

Eqqugaasimaneq annertuppat pisariaqalersinnaavoq qerititsiviup atortariaqalernissaa imaluunniit madrassnik pequtinilluunniit allanik kissassaasiisariaqalernissaaq.

Igitaqassagaannilu pingaaruteqarpoq poortorluaqqaarlugit anninneqarnissaat, saaluallaat siaruaassinnaanerat pinaveersaartinniarlugu.

Inussiarnersumik inuulluarit,

INI